

# АВФНСТ



СВЯТИТЕЛЮ  
НИКОЛАЮ  
ЧУДОТВОРЦУ



### **Тропарь, глас 4**

Правило вѣры и образ кротости,/ воздержанія учителя/  
явѣ ты стаду твоему/ Яже вещей Истина./ Сего ради  
стяжал еси смирением высокая,/ нищетюю богатая,/ отче  
священноначальниче Никѡлае,/ моли Христа Бога,//  
спастися душам нашим.

### **Кондак, глас 3**

В Мирех, святе, священнодействитель показался еси,/  
Христово бо, преподобне, Евангелие исполнив,/ положил  
еси душу твою о людех твоих/ и спасл еси неповинныя от  
смерти./ Сего ради освятился еси,// яко великий тайнник  
Божия благодати.



# АКАФИСТ

## СВЯТИТЕЛЮ НИКОЛАЮ ЧУДОТВОРЦУ

### Кондак 1

Возбранный Чудотворче и изрядный угóднице Христóв, мíру всему источаяй многоцѣнное мíлости мíро и неисчерпаемое чудес мóре, восхваляю тя любóвию, святителю Никóлае. Ты же, я́ко имейя дерзнове́ние ко Го́споду, от всяких мя бед свободи́, да зову́ ти:

**Ра́дуйся, Никóлае, вели́кий Чудотворче.**

### Икос 1

А́нгела о́бразом, земна́го суща естество́м яви тебе́ всея́ тва́ри Созда́тель; благопло́дную бо добро́ту души́ твоея́ прови́дев, преблаже́нне Никóлае, научи́ всех вопи́ти тебе́ си́це:

Ра́дуйся, от утробы́ ма́терния очище́нный;  
ра́дуйся, да́же до конца́ освяще́нный.

Ра́дуйся, рождѣнием своимъ роди́телей удививый;  
ра́дуйся, си́лу душе́вную а́бие по рождестве́ явивый.

Ра́дуйся, са́де земли́ обетова́ния; ра́дуйся, цве́те Божѣственнаго сажде́ния.

Ра́дуйся, лозо́ добродѣтельная виногра́да





Христовá; рáдуйся, дрéво чудотóчное райа  
Иисúсова.

Рáдуйся, крíне райскаго прозябéния; рáдуйся,  
миро Христовá благоухáния.

Рáдуйся, я́ко тобо́ю отгóнится рыдáние; рáдуйся,  
я́ко тобо́ю принóсится рáдование.

**Рáдуйся, Никóлае, вели́кий Чудотво́рче.**

### **Кондак 2**

Ви́дяще твои́х мир излия́ние, богому́дре,  
просвещáемся душáми и телесы́, дивнаго тя  
миротóцца живонóсна, Никóлае, разумéюще;  
чудесы́ бо я́ко вода́ми, благодáтию Бóжиею  
излива́ющимися, напая́еши вéрно вопи́ющих к  
Бóгу: Аллилúиа.

### **Икос 2**

Рáзум неуразумéнный вразумля́я о Святéй  
Тро́ице, был еси́ в Никéи со святýми отцы́ побóрник  
исповéдания правосла́вныя вéры. Рáвна бо Отцу́  
Сы́на исповедал еси́, соприсносу́щна и сопрестóльна,  
А́риа же безúмнаго обличил еси́. Сего́ рáди вéрнии  
научи́шася воспева́ти тебé:

Рáдуйся, вели́кий благочéстия стóлпе; рáдуйся,  
вéрных прибéжища гра́де.





Рáдуйся, твёрдое Правослáвия укреплénие;  
рáдуйся, честнóе Пресвятýя Трóицы носíло и  
похвалénие.

Рáдуйся, Отцú равнóчестна Сýна проповéдавый;  
рáдуйся, Áриа возбесíвшагося от Собóра святýх  
отгнáвый.

Рáдуйся, óтче, отцév слáвная красотó; рáдуйся,  
всех богомúдрых премúдрая добрóто.

Рáдуйся, óгненная словесá испущáяй; рáдуйся,  
дóбре стадо своé наставляяй.

Рáдуйся, я́ко тобо́ю véра утверждáется; рáдуйся,  
я́ко тобо́ю ёресь низлагáется.

**Рáдуйся, Никóлае, вели́кий Чудотвóрче.**

### Кондак 3

Сíлою, дáнною ти свýше, слезú всяку отъя́л еси́  
от лица́ лю́те стра́ждущих, богонóсне óтче Никóлае –  
áлчущим бо яв́ился еси́ кормíteль, в пучíне морстéй  
сúщим изря́дный правíteль, недúгующим исцелénие  
и всем всяк помóщник показáлся еси́, вопи́ющим  
Бóгу: Аллилу́иа.

### Икос 3

Име́яше во́истинну, óтче Никóлае, с небесé  
песнь тебе́ воспевáема бы́ти, а не от земли́; ка́ко бо





кто от человек возмо́жет твоея́ святы́ни вели́чия пропове́дати? Но мы, любо́вию твоею побежда́еми, вопи́ем ти си́це:

Ра́дуйся, о́бразе а́гнцев и па́стырей; ра́дуйся, свято́е очисти́лище нра́вов.

Ра́дуйся, добродете́лей вели́ких вместі́лище; ра́дуйся, святы́ни чи́стое и честно́е жили́ще.

Ра́дуйся, свети́льниче всесвѣтлый и вселюбі́мый; ра́дуйся, све́те златоза́рный и непоро́чный.

Ра́дуйся, досто́йный А́нгелов собесѣдниче; ра́дуйся, до́брый челове́ков наста́вниче.

Ра́дуйся, пра́вило ве́ры благочесті́выя; ра́дуйся, о́бразе крото́сти духо́вныя.

Ра́дуйся, я́ко тобо́ю от страсте́й телесных избавля́емся; ра́дуйся, я́ко тобо́ю сла́достей духо́вных исполня́емся.

**Ра́дуйся, Нико́лае, вели́кий Чудотво́рче.**

#### Кондак 4

Бу́ря недоуме́ния смуща́ет ми ум, ка́ко досто́йно есть пе́ти чудеса́ твоя́, блаже́нне Нико́лае; никто́же бо мо́жет я исчести́, а́ще бы и мно́ги язы́ки имѣл и глаго́лати восхотѣл; но мы дѣ́вно Бо́гу, в тебѣ прославля́ющемуся дерза́ем воспева́ти: **Аллилу́иа.**





#### Икос 4

Слы́шаша, богомúдре Никóлае, б́лижнии и дальнии вели́чие чудес тво́их, я́ко по во́здуху лёгкими благодáтными крила́ми нав́ыкл еси́ сýщих в беда́х предва́ряти, ско́ро от тех избавля́я всех, вопио́щих к тебе́ такова́я:

Ра́дуйся, избавле́ние от печа́ли; ра́дуйся, пода́ние благодáти.

Ра́дуйся, неча́емых зол прогонíteлю; ра́дуйся, жела́емых блаѓих насадíteлю.

Ра́дуйся, ско́рый утешíteлю в бедé сýщих; ра́дуйся, стра́шный наказíteлю обидящих.

Ра́дуйся, чудес пучи́но, Бо́гом излия́нная; ра́дуйся, зако́на Христо́ва скрижа́ли, богопи́санныя.

Ра́дуйся, кре́пкое па́дающих возведе́ние; ра́дуйся, пра́во стоящих утвержде́ние.

Ра́дуйся, я́ко тобо́ю всякая лесть обнажа́ется; ра́дуйся, я́ко тобо́ю всякая и́стина сбывáется.

**Ра́дуйся, Никóлае, вели́кий Чудотво́рче.**

#### Кондак 5

Боготéчная звездá яви́лся еси́, наставля́я по мо́рю пла́вающих лю́те, и́мже смерть предсто́яше вско́ре иногдá, áще не бы ты предста́л еси́ призывáющим тя в по́мощь, Чудотво́рче святы́й Никóлае; ужé бо





несты́дно бесо́м лета́ющим и погрузи́ти корабли́  
хотя́щим запрети́в, отгна́л еси́ их, ве́рныя же научи́л  
еси́ спаса́ющему тобо́ю Бо́гу взыва́ти: **Аллилу́иа.**

### **Икос 5**

Ви́деша отрокови́цы, на брак скве́рный нищеты́  
ра́ди угото́ванныя, вели́кое твоё кни́щим милосе́рдие,  
преблаже́нне о́тче Нико́лае, егда́ ста́рцу родите́лю  
их но́щию узельцы́ три злата́ таяся по́дал еси́, самаго́  
со дще́рми избавля́я от паде́ния грехо́внаго. Того́  
ра́ди слы́шиши от всех си́це:

Ра́дуйся, ми́лости превели́кия сокрови́ще;  
ра́дуйся, промы́сления о лю́дех приятели́ще.

Ра́дуйся, пи́ще и отра́до к тебе́ прибега́ющих;  
ра́дуйся, хле́бе неснеда́емый а́лчущих.

Ра́дуйся, бога́тство, бе́дне живу́щим на земли́  
Бо́гом да́нное; ра́дуйся, воздви́жение ско́рое  
убо́гих.

Ра́дуйся, бы́строе ни́щих услы́шание; ра́дуйся,  
скорбя́щих прия́тное попече́ние.

Ра́дуйся, три́ех дев непоро́чный блюсти́телю;  
ра́дуйся, чистоты́ усе́рдный храните́лю.

Ра́дуйся, ненаде́жных наде́яние; ра́дуйся, всего́  
ми́ра наслажде́ние.

**Ра́дуйся, Нико́лае, вели́кий Чудотво́рче.**







### Кондак 6

Проповѣдует мир весь тебѣ, преблаженне  
Никóлае, скóраго в бедáх заступника, я́ко мно́гажды  
во еди́ном часѣ по землѣ путешѣствующим и по  
мóрю пла́вающим, предваряя, посóбствуеши,  
кúпно всех от злых сохраняя, вопи́ющих к Богу:  
**Аллилу́иа.**

### Икос 6

Возсиял еси́ свет живóтный, избавлѣние нося́  
воевóдам, неправедную смерть прияти имúщим,  
тебѣ, дóбрый пáстырю Никóлае, призывáющим, егда́  
вскóре я́влься во сне царéви, устрáшил еси́ егó, сих  
же невреждѣнных отпустíti повелѣл еси́. Сегó ради́  
с ними́ кúпно и мы благодарственне вопи́ем ти:

Рáдуйся, усérдно призывáющим тя помогáяй;  
рáдуйся, от неправеднаго уби́ения избавля́яй.

Рáдуйся, от лѣстныя сохраня́яй клеветы́; рáдуйся,  
неправедныя разрушáяй совѣты.

Рáдуйся, растерзáяй лжу́ я́ко паучíну; рáдуйся,  
возношáяй слáвно íстину.

Рáдуйся, неповíнных от уз разрешѣние; рáдуйся,  
и мертвецѣв оживлѣние.

Рáдуйся, проявítелю правды; рáдуйся,  
помрачítелю неправды.





Ра́дуйся, я́ко тобо́ю непови́ннии изба́влени от  
меча́; ра́дуйся, я́ко тобо́ю наслади́шася све́та.

**Ра́дуйся, Нико́лае, вели́кий Чудотво́рче.**

### Кондак 7

Хотя́ богоху́льное еретиче́ское отгна́ти  
злосмра́дие, ми́ро вои́стинну благово́нное,  
таи́нственное яви́лся еси́, Нико́лае; лю́ди мирей́ския  
упа́сл еси́ и весь мир сво́им благода́тным ми́ром  
испо́лнил еси́. И от нас у́бо богоме́рзкое грехо́вное  
злосмра́дие отже́ни, да благоприя́тно Бо́гу вопие́м:  
**Аллилу́иа.**

### Икос 7

Но́ваго тя Но́я, наста́вника ковче́га спаси́тельнаго  
разуме́ем, о́тче святы́й Нико́лае, бу́рю всех лю́тых  
разгоня́ющаго напра́влением сво́им, ти́шину́ же  
Божество́нную принося́щаго вопию́щим тако́ва́я:

Ра́дуйся, обу́рева́емых ти́хое приста́нище;  
ра́дуйся, утопа́ющих изве́стное храни́лище.

Ра́дуйся, пла́вающих посреде́ пучи́н до́брый  
ко́рмчий; ра́дуйся, трево́лнения морска́я  
уста́вляющий.

Ра́дуйся, прево́ждение су́щих в ви́хрех; ра́дуйся,  
согре́яние су́щих во мра́зех.





Ра́дуйся, сия́ние, ско́рбный мрак разгоня́ющее;  
ра́дуйся, свети́ло, вся концы́ земли́ просвеща́ющее.  
Ра́дуйся, от бездны́ грехо́вныя челове́ки избавля́яй;  
ра́дуйся, в бездну́ а́дскую сатану́ вверга́яй.  
Ра́дуйся, я́ко тобо́ю дерзнове́нно бездну́  
милосе́рдия Бо́жия призыва́ем; ра́дуйся, я́ко  
тобо́ю от пото́па гне́ва изба́вльшеся, мир с Бо́гом  
обрета́ем.

**Ра́дуйся, Нико́лае, вели́кий Чудотво́рче.**

### **Кондак 8**

Стра́нное чу́до явля́ется притека́ющим к тебе́,  
блаже́нне Нико́лае, священна́я тво́я це́рковь: в ней  
бо и ма́лое моле́ние принося́ще, ве́лиих недúгов  
приёмлем исцеле́ние, а́ще то́кмо по Бо́зе упова́ние  
на тя возложим, ве́рно вопи́юще: **Аллилу́иа.**

### **Икос 8**

Весь еси́ всем вои́стину помо́щник, богоносе  
Нико́лае, и собра́л еси́ вку́пе вся прибега́ющия к  
тебе́, я́ко свободи́тель, пита́тель и врач ско́рый всем  
земны́м, на похвалу́ всех подви́зая вопи́ти к тебе́  
си́це:

Ра́дуйся, всяких исцеле́ний исто́чнице; ра́дуйся,  
лю́те стра́ждущим помо́щнице.





Ра́дуйся, заре́, сия́ющая в но́щи грехо́вней  
блужда́ющим; ра́дуйся, росó небото́чная в зно́и  
трудо́в су́щим.

Ра́дуйся, подава́яй тре́бующим благостро́ение;  
ра́дуйся, уготовля́яй прося́щим изоби́лие.

Ра́дуйся, мно́гажды проше́ние предва́ряяй;  
ра́дуйся, ста́рым се́динам си́лу обновля́яй.

Ра́дуйся, мно́гих заблуждших от пу́ти и́стиннаго  
обличите́лю; ра́дуйся, та́ин Бо́жих ве́рный  
служи́телю.

Ра́дуйся, я́ко тобо́ю за́висть попира́ем; ра́дуйся,  
я́ко тобо́ю благона́равное жити́е исправля́ем.

**Ра́дуйся, Нико́лае, вели́кий Чудотво́рче.**

### Кондак 9

Вся́кия утоли́ болéзни, вели́кий наш засту́пниче  
Нико́лае, раство́ряя благода́тная врачевáния,  
услажда́ющая ду́ши на́ша, сердца́ же веселя́щая всех  
усе́рдно к по́моци тво́ей притека́ющих, Бо́гу же  
вопи́ющих: **Аллилу́иа.**

### Икос 9

Вети́я суемудренны́я нечестивых ви́дим тобо́ю  
посра́мленны́я, богому́дре о́тче Нико́лае. А́риа  
бо ху́льника, разделя́юща Божество́, и Саве́ллия,





смешающа Святую Троицу, препрел, нас же во Православии укрепил еси. Сего ради вопием ти сице:

Радуйся, щите, защищаяй благочестие; радуйся, мечу, посекаяй злочестие.

Радуйся, учителю Божественных велений; радуйся, губителю богопротивных учений.

Радуйся, лестнице, Богом утверждённая, ёюже восходим к небеси; радуйся, покрове, Богом зданный, имже покрываются мнози.

Радуйся, немудрых умудривый твоими словесы; радуйся, ленивых подвигнувый твоими нравами.

Радуйся, светлосте заповедей Божиих неугасимая; радуйся, луче оправданий Господних пресветлая.

Радуйся, яко учением твоим сокрушаются еретические главы; радуйся, яко тобою вернии сподобляются славы.

**Радуйся, Николае, великий Чудотворче.**

### Кондак 10

Спасти хотя душу, плоть твою духови покорил еси воистинну, отче наш Николае. Молчаньми бо прежде и бореньми с помысли, деянию богомыслие приложил еси, богомыслием же разум совершен стяжал еси, имже дерзновенно с Богом и Ангелы беседовал еси, всегда вопия: **Аллилуиа.**





## Икос 10

Стенá есі похваляюшим, преблаженне, чудеса тво́я и всем к заступлѣнию твоёму прибегающим; тѣмже и нас, в добродѣтели убѣгих, от нищеты, напасти, недугов и нужд различных свободдай, вопиющих ти с любовью таковая:

Радуйся, от убожества вѣчнаго изымаяй; радуйся, богатство нетлѣнное подаваяй.

Радуйся, брашно негиблющее алчущим правды; радуйся, питие неисчерпаемое жаждущим жизни.

Радуйся, от мятежа и брани соблюдаяй; радуйся, от уз и пленения свободдай.

Радуйся, преславный в бедах заступниче; радуйся, превеликий в напастех защитниче.

Радуйся, многих от погібели исхитивый; радуйся, безчисленных невредѣнно сохранивый.

Радуйся, яко тобою лютыя смѣрти грѣшнии избегают; радуйся, яко тобою жизнь вѣчную кающися получают.

**Радуйся, Никѣлае, великий Чудотворче.**

## Кондак 11

Пѣние Пресвятѣй Троице паче иных принѣсл есі, преблаженне Никѣлае, умом, словом и делом. Многим бо испытанием правѣрная повелѣния





уясніл есі, véроу, на́деждоу и любóвию наставля́я нас в Трóице Еди́ному Бо́гу воспевáти: **Аллилу́иа.**

### **Икос 11**

Светозáрную лучу́ во мрáце жити́я сущим неугаси́мую ви́дим тя, Бо́гом избáнне óтче Никóлае. С невещéственными бо áнгельскими свéты бесéдуеши о несоздáнном Трóическом свéте, véрных же дýши просвещáеши, вопи́ющих ти таковáя:

Рáдуйся, озарéние Трисóлнечнаго свéта; рáдуйся, денни́це незаходима́го со́лнца.

Рáдуйся, свещé, Божéственным пла́менем возжéнная; рáдуйся, я́ко угасил еси́ бесóвский пла́мень нечéстия.

Рáдуйся, свéтлое правове́рия проповéдание; рáдуйся, доброзра́чное свéта ева́нгельскаго сия́ние.

Рáдуйся, мо́лние, е́реси пожига́ющая; рáдуйся, грóме, устраша́ющий соблазняя́щая.

Рáдуйся, и́стиннаго нау́чителю ра́зума; рáдуйся, та́инственнаго изъяв́ителю ума́.

Рáдуйся, я́ко тобо́ю попрáся поклонéние твáри; рáдуйся, я́ко тобо́ю научи́хомся поклоня́тися Творцу́ в Трóице.

**Рáдуйся, Никóлае, вели́кий Чудотво́рче.**





## Кондак 12

Благода́ть, да́нную ти от Бо́га, све́дущи, ра́дующеся твою́ па́мять пра́зднуем по до́лгу, пресла́вный о́тче Нико́лае, и к чу́дному заступле́нию твоemú вседу́шно притека́ем; пресла́вных же твои́х дея́ний, я́ко песка́ морска́го и мно́жества зве́зднаго исчести́ не могу́ще, недоуме́нием объ́яти б́ывше, вопи́ем к Бо́гу: **Аллилу́иа.**

## Икос 12

Пою́ще тво́я чудеса́, восхваля́ем тя, всехва́льне Нико́лае: в тебе́ бо Бог, в Тро́ице прославля́емый, дивнопросла́вился. Но аще и попремно́гу составленны́я от ду́ш псалмы́ и пе́сни прино́сим ти, Чудотво́рче святы́й, ничто́же тво́рим ра́вно дарова́нию чудес твои́х, и́мже удивля́ющеся, вопи́ем к тебе́ такова́я:

Ра́дуйся, Царя́ ца́рствующих и Го́спода господа́ствующих служи́телю; ра́дуйся, служи́телей Его́ небесных сожи́телю.

Ра́дуйся, лю́дем ве́рным поможе́ние; ра́дуйся, ро́да христиа́нскаго возвыше́ние.

Ра́дуйся, победы́ тезоименитый; ра́дуйся, венце́носче наро́читый.

Ра́дуйся, всех добродете́лей зерца́ло; ра́дуйся, всех притека́ющих к тебе́ кре́пкое забра́ло.





Ра́дуйся, по Бóзе и Богорóдице все нáше упováние;  
ра́дуйся, телéс нáших здрáвие и душ спасéние.

Ра́дуйся, я́ко тобо́ю от вéчных смéрти  
свобождáемся; ра́дуйся, я́ко тобо́ю безконéчных  
жízни сподоблáемся.

**Ра́дуйся, Никóлае, вели́кий Чудотво́рче.**

### **Кондак 13**

О пресвяты́й и пречúдный óтче Никóлае,  
утешéние всех скорб́ящих, ны́нешнее нáше примí  
приношéние и от геéнны избáвиться нам Гóспода  
умоли́ богоприятным тво́им ходáтайством, да с  
тобо́ю воспева́ем: **Аллилу́иа.**

*Этот кондак читается трижды.*

### **Икос 1**

А́нгела óбразом, земна́го сýща естество́м яви́ тебе  
всея́ тва́ри Создáтель; благоплóдную бо добрóту  
душí твоея́ провíдев, преблажéнне Никóлае, научí  
всех вопíти тебе́ сйце:

Ра́дуйся, от утрóбы мáтерния очищéнный;  
ра́дуйся, дáже до концá освящéнный.

Ра́дуйся, рождéнием сво́им родíтелей удивíвый;  
ра́дуйся, сíлу душе́вную áбие по рождестве́  
яв́вый.





Ра́дуйся, са́де земли́ обетова́ния; ра́дуйся, цве́те  
Божества́ннаго сажде́ния.

Ра́дуйся, лозо́ добродете́льная виногра́да  
Христо́ва; ра́дуйся, дре́во чудото́чное ра́я  
Иису́сова.

Ра́дуйся, крине́ райскаго прозябе́ния; ра́дуйся,  
ми́ро Христо́ва благоуха́ния.

Ра́дуйся, я́ко тобо́ю отго́нится рыда́ние; ра́дуйся,  
я́ко тобо́ю прино́сится ра́дование.

**Ра́дуйся, Нико́лае, вели́кий Чудотво́рче.**

### **Кондак 1**

Возбра́нный Чудотво́рче и изря́дный уго́днице  
Христо́в, ми́ру всему́ источа́яй многоце́нное ми́лости  
ми́ро и неисчерпа́емое чуде́с мо́ре, восхваля́ю тя  
любо́вию, святи́телю Нико́лае. Ты же, я́ко име́яй  
дерзнове́ние ко Го́споду, от вся́ких мя бед свободи́,  
да зову́ ти:

**Ра́дуйся, Нико́лае, вели́кий Чудотво́рче.**

### **Молитва**

О всесвяты́й Нико́лае, уго́днице преизря́дный  
Госпо́день, тёплый наш засту́пнице, и везде́ в  
ско́рбех ско́рый помо́щнице! Помози́ ми (*имя*),  
гре́шному и уны́лому, в настоя́щем сем жити́и,



умоли́ Го́спода Бо́га дарова́ти ми оставле́ние всех  
мои́х грехо́в, е́лико согреши́х от ю́ности моея́, во  
всем жити́и моём, де́лом, сло́вом, помышле́нием  
и все́ми мои́ми чу́вствы; и во исхо́де души́ моея́  
помози́ ми, окая́нному, умоли́ Го́спода Бо́га, всея́  
тва́ри Соде́теля, изба́вити мя возду́шных мыта́рств и  
вече́наго муче́ния, да всегда́ прославляю́ Отца́ и Сы́на  
и Свята́го Ду́ха и твоё ми́лостивное предста́тельство,  
ны́не и при́сно и во ве́ки веко́в. Ами́нь.

### Величание

Велича́ем тя,/ святите́лю о́тче Нико́лае,/ и чтим  
святу́ю па́мять твою́:// ты бо мо́лиши за нас Христа́  
Бо́га на́шего.

КАФИСТ  
СВЯТИТЕЛЮ НИКОЛАЮ  
ЧУДОТВОРЦУ

Издано при содействии  
Благотворительного Фонда  
святого мученика Феодора Болгарского  
г. Болгар

Отпечатано в типографии «Мастер Студия»  
г. Ульяновск, ул. Марата, 8